



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : SHA TIN GOVERNMENT SECONDARY SCHOOL

学校名称 : 沙田官立中学

Name of Play 剧名 : 笑话学会

Script writer 剧作者 : 朱健滔老师

Synopsis 故事大纲 :

笑话学会一直是备受注目的人气学会，可是今年，大家发现主席朱利安的笑话大不如前、大失水平、大错特错，学会人气直插谷底。力挽狂澜的副主席阿 Law 和雨乐发现相当有嫌疑的「全国笑话大赛」可能是翻身的唯一契机.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Scene 1

(笑话学会 meeting 1)

(两张长凳，部分同学已就座，A, B 站中间)

荧幕： 面试者 4 [Thomas]讲笑话，罐头笑声，面试者 4 到长凳就座)

(灯亮)

A 恭喜在座咁多各位同学入选本年度笑话学会，今年嘅竞争可以话系有史以嚟咁激烈，平均七个同学争一个名额，可以话仲难过入大学。

B 不过唔理你哋系冷面笑匠，笑面笑匠，你哋心知肚明，你哋嘅共同目标，就系坐喺咁近嘅距离，一睹我哋伟大主席嘅风采。无论你自认几搞笑都好，喺我哋伟大主席面前，你都只不过系一个婴儿。

A 含住个奶嘴。

B 嘅塑料原料。

A 上面写住嘅 Made in China。

B 中间嗰粒 in 字。

A 系一个 preposition。

B 一个无关痛痒嘅 preposition。

A 会唔会深咗少少？

众 会。

A 话畀姐姐知道，你哋最想见嘅偶像系边个啊？

众 朱利安！朱利安！

(朱利安笑声)

A 咦，佢好似嚟紧喇。

(众肃立，期待目光，朱利安笑着进场，读着英文报纸，朱利安站好，二女指示众)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

坐)

朱利安 (笑) 喂呢个坚好笑啲，成个火车站沉咗落地底，局长开记者会，然后讲咗一句「我哋系唔会评论个别事件」就走咗咯，你哋话好不好笑先？

(众互望，议论纷纷)

朱利安 哗，不过都唔够呢个好笑，肥佬平喺美国判监三年。有网民就担心佢三年之后放返出嚟容乜易被抑郁呀，话要发起一人一封求情信求法官判佢终身监禁啲，咁啲网民真系醒呀。

(众互望，议论纷纷，会员逐一起身安静离开)

朱利安 呀，呢个任生活多谢美国帮佢哋手机公司免费宣传，合约仲多过之前添啲，哗，免费宣传咁正，咁真系要拉多几个喇。(最后一个会员离开，二女喝止主席)

B 朱利安! 你知唔知我哋 in 咗几耐先 In 到呢班人呀? 你唔驶半分钟同我赶走晒佢哋?!

A 中学生可唔可以唔好咁政治化呀，朱利安? 外面个世界已经好 heavy 啦，所以我哋先至搞呢个会等大家笑吓，轻松吓，唔好咁多精神病呀，抑郁呀，而家我畀你搞到好抑郁嘍!

B 系嘍，成日都讲.....

A (A+B:) 政治政治!!

A, B (二女迭声骂朱利安，朱利安终举手示停)

朱利安 (微笑) 我有变过，一路以嚟我都将我关心嘅嘢同大家分享，只不过以前我关心嘅嘢系你哋关心嘅嘢，而家我关心嘅唔系你哋关心嘅啫。但系我真系好多谢你哋帮我.....

A 哎呀!

B 仲驳嘴啲!

A 我地都系想个会好啫!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(二女迭声再骂)

A 好! 我都唔再留喺度, 我去女神学会都唔返嚟!

B 咁我都走喇, 我去人哋泰国文化研究学会, 唔想再理你呀!

A 我同你讲, 我去追星学会都有咁黐呀! (往台右 EXIT)

朱利安 Law...

B 我去公益少年团做义工都唔要听到你把声呀! (往台左 EXIT)

朱利安 雨乐... (倒下贴地)

(B 折返)

B 本来我买咗两包咸爆谷, 而家我自己食晒佢! (台左 EXIT)

朱利安 唔好呀!

(lx change, follow spot 打在 朱利安身旁的空白, 朱利安爬到 follow spot 照射的位置, 两秒后 follow spot 再度移离, 朱利安再追着 follow, 爬进光里)

朱利安 唔通连支 follow 都唔钟意我?

(follow spot 再度移离, 朱利安再追着 follow, 爬进光里)

朱利安 今日个个都 unfollow 我, 连支 follow 都要 unfollow 我!!

(灯暗)

Scene 2

(台右灯亮, 女神学会)

(四位女神正韩风热舞, 女 A 严重跟不上, 渐渐改跳自己的舞蹈, 四女神仇视她, A 逃走) (灯暗)

(台左灯亮, 公益少年团)

(B 扶婆婆坐下)

B 李婆婆呀, 我哋公益少年团今日嚟探访你哋啲独居长者呀。